



USUL SIDANG MUDA 2021

USUL PENETAPAN KUOTA BELIA SEKURANG-KURANGNYA EMPAT PULUH PERATUS DALAM PELANTIKAN AHLI MAJLIS MBPP MBSP DAN PEGAWAI KANAN TINGGI KERAJAAN NEGERI SERTA KEANGGOTAAN MAJLIS PENGURUSAN KOMUNITI KAMPUNG (MPKK)

1. Mengikut statistik unjuran tahun 2020, sebanyak 42.28% belia daripada sejumlah 1,746,100 penduduk negeri ini.
2. Namun, peluang golongan belia melibatkan diri dalam pentadbiran kerajaan negeri dan di peringkat akar umbi amat rendah sekali. Majlis Bandaraya Pulau Pinang (MBPP), Majlis Bandaraya Seberang Perai (MBSP) dan Majlis Pengurusan Komuniti Kampung (MPKK) memainkan peranan yang amat penting di mana ia adalah satu majlis untuk menyelesaikan masalah rakyat. Ia akan merancang dan melaksanakan pembangunan yang seimbang dan memelihara alam sekitar yang berkualiti.
3. Penglibatan belia dalam pelantikan ahli majlis MBPP, MBSP, Pegawai Kanan Tinggi Kerajaan Negeri dan keanggotaan MPKK amat rendah jika berbanding dengan populasi belia dalam negeri ini.
4. Status terkini
 - a. Penglibatan belia dalam pelantikan Ahli Majlis MBPP:
7 daripada jumlahnya 24 ahli, (29.17%)
 - b. Penglibatan belia dalam pelantikan Ahli Majlis MBSP:
6 daripada jumlahnya 24 ahli, (25%)
 - c. Penglibatan belia dalam keanggotaan MPKK:
Penetapan kuota sekurang-kurangnya 2 daripada jumlahnya 15 ahli, (13.33%)
*1 lelaki & 1 perempuan
*Catatan: Rang Undang-Undang (RUU) Pertubuhan Belia dan Pembangunan Belia (Pindaan) 2019: had umur belia telah diturunkan daripada 40 tahun kepada 35 tahun pada tahun 2019. Umur belia diturunkan kepada 30 tahun mulai 1 Januari 2022.

5. Pada tahun yang lepas, Kerajaan Negeri telah menetapkan kuota dua orang belia dalam keanggotaan Majlis Pengurusan Komuniti Kampung (MPKK) melalui mesyuarat EXCO Kerajaan Negeri. Sebagai anak muda yang berasal dari Pulau Pinang, saya amat mengalu-alukan dasar kerajaan negeri dalam isu ini. Saya percaya ini adalah langkah permulaan bagi memperkasakan hak anak muda di negeri yang tercinta ini.
6. Pada persidangan Dewan Undangan Negeri yang lepas, pindaan Enakmen Negeri telah dibuat bagi pindaan had umur calon ADUN diturunkan daripada 21 ke 18 tahun. Namun, langkah ini masih terhad untuk memperkasakan anak muda khususnya penyertaan anak muda dalam komuniti.
7. Oleh itu, saya ingin mencadangkan suatu usul penetapan kuota belia sekurang-kurangnya empat puluh peratus dalam pelantikan Ahli Majlis MBPP MBSP dan Pegawai Kanan Tinggi Kerajaan Negeri serta keanggotaan Majlis Pengurusan Komuniti Kampung (MPKK).
8. Penetapan kuota belia sekurang-kurangnya empat puluh peratus di jawatan peringkat akar umbi dapat memperkasakan hak anak muda dalam penetapan dasar dan pentadbiran negeri ini. Saya ingin mencadang supaya penetapan kuota ini secara inklusif dan tidak mengira bangsa dan agama. Cadangan pembahagian kuota secara spesifik seperti ditunjukkan di bawah:
 - a. Kategori Terbuka -> Golongan Belia Umur 18 - 30: (10%)
 - b. Kategori Khas Wanita Muda -> Wanita Belia Umur 18 - 30: (20%)
 - c. Kategori Khas Golongan Terpinggir -> Belia daripada golongan terpinggir: (10%)
*OKU, B40, Miskin Tegar, dll.
9. Cadangan termasuk dalam usul ini:
 - a. Penubuhan Majlis Pimpinan Muda
Semua belia daripada Ahli Majlis MBPP MBSP, Pegawai Kanan Tinggi Kerajaan Negeri dan keanggotaan MPKK akan dimasukkan dalam Majlis Pimpinan Muda secara automatik. Persidangan akan dijalankan setiap kali sebelum adakan Persidangan Dewan Undangan Negeri (DUN).
 - b. Pemilihan setiap 2 tahun
Undian terbuka akan diadakan dan semua rakyat yang bermastautin di negeri Pulau Pinang berhak untuk mengundi bagi memilih calon mereka.
 - c. Penilaian setiap 3 bulan
Penilaian terbuka akan dijalankan setiap 3 bulan. Semua rakyat yang bermastautin di negeri Pulau Pinang berhak untuk menilai semua pimpinan muda yang terlibat dalam Majlis Pimpinan Muda.

d. Pemecatan

Pemecatan ahli secara automatik apabila ahli gagal dalam penilaian terhadapnya.

10. Usul ini dicadangkan supaya pelaksanaannya mulai 1 Januari 2024.

11. Kebaikan dibawa selepas usul ini diluluskan:

- a. Hak anak muda, wanita dan golongan terpinggir akan diperkasakan.
- b. Persediaan belia dalam memimpin negeri yang tercinta ini.
- c. Demokrasi dan pentadbiran negeri diperbaiki.

Sekian, terima kasih.

Tan Wei Siang

EXCO Belia dan Sukan
Sidang Muda 2021

